
**Inuussutissarsiutinik ilinniartitsinerit soraarummeertarnerit pillugit Namminersorlutik
Oqartussat nalunaarutaat nr. 4, 18. marts 2015-imeersoq**

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni nr. 10-mi, 19. maj 2010-meersumi, Inatsisartut inatsisaatigut nr. 3, 4. juni 2012-imeersukkut allanngortinneqartumi § 22, § 27, imm. 4 aamma 5 aammalu § 63, imm. 2 naapertorlugit aalajangerneqarput:

Kapitali 1
Nassuiaatit

§ 1. Soraarummeerneq imatut paasineqassaaq tassalu misilitsinnermi inaarutaasumik nalilersuineq, tassani soraarummeertitsisoq avataaneersoq nalilersueqataassalluni, misilitsinnerullu nalilerneqamera ilinniartup soraarummeernermini angusaasa katinnerinut ilanngullugu naatsorsomeqassalluni ilinniartullu soraarummeernermit ilinniarnermullu uppersaataanut allanneqassalluni.

Imm. 2. Allattariarsorluni soraarummeerneq imatut paasineqassaaq tassalu suliasat ilinniartup saqqummiunneqartut imaluunniit noqqaassutigineqartut ilinniartup allattariarsorluni akisassai.

Imm. 3. Oqaluttariarsamik soraarummeerneq imatut paasineqassaaq tassalu suliasat ilinniartup saqqummiunneqartut imaluunniit noqqaassutigineqartut ilinniartup oqaluttariarsorluni akisassai.

Imm. 4. Ataasiakkaarluni soraarummeerneq imatut paasineqassaaq tassalu soraarummeerneq, ilinniartut ataasiakkaarlutik saqqummiiffigisaat.

Imm. 5. Eqimattakkaarluni soraarummeerneq imatut paasineqassaaq tassalu ilinniartut eqimattatut ataatsikkut soraarummeernerat, ilinniartut eqimattakkaatut peqatigiillutik saqqummeeqatigiiffigisaat, ilinniartut ataasiakkaatut angusarisanik nalilersuiffiqeqaraluarpataluunniit nalilersuiffiqeqangikkaluarpataluunniit.

Imm. 6. Napparsimalluni soraarummeerneq imatut paasineqassaaq tassalu nutaamik soraarummeerneq, nakorsamit allagartaqarluni napparsimaneq pissutigalugu ilinniartuq soraarummeernerup aallartinnissaanut naammassinissaanulluunniit periarfissaqarsimangippat.

Imm. 7. Soraarummeeqqinneq imatut paasineqassaaq tassalu tamakkiisumik ilaannakuusumilluunniit soraarummeerluni misilitseqqinnissamut periarfissaq, saniatigut misilitseqqinnertut naatsorsuutiginaq.

§ 2. Soraarummeernermit ullorsiuutit imatut paasineqassapput tassalu ukiumi atualerfiusumi aallarteqatigiinnut tamanut pilersaarutit, soraarummeernerit qaqugukkut ingerlanneqarnissaannut piffissat, soraarummeernermit suliasat il.il. aallartinnerinut naammassinissaanullu ullussaliussat pillugit kiisalu napparsimasoqassappat soraarummeernissaasa piffissaannut ataatsimut pilersaarutit.

Imm. 2. Soraarummeernerit allattorsimaffiat imatut paasineqassaaq tassaasoq allakkatigut uppersaat, soraarummeernerup qanoq ingerlanneqarneranik nassuiaasoq.

Imm. 3. Angusarisanut allattuiffik imatut paasineqassaaq tassalu soraarummeernermi angusarisanut allattuiffik ilinniartunut soraarummeernermi pineqartumi angusarisimasanut takussutissiaq.

§ 3. Inuussutissarsiummik ilinniarnermut pineqartumut ilinniarnermut pilersaarut ilinniarfinnut ataasiakkaatut atuutsinneqartoq naapertorlugu angusanik piumasaqaatinillu aalajangersakkat malillugit ilinniartup soraarummeernermini qanoq angusaqarsimatigineranut uppersaataassaaq.

§ 4. Ilinniarfik imatut paasineqassaaq tassalu qitiusumik ilinniarfik imaluunniit inuussutissarsiutinik ilinniarfik, tamanna Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni § 3 naapertorlugu.

Kapitali 2

Soraarummeernernik aqqissuussinerit

§ 5. Ilinniartitaanermut Naalackersuisoqarfik soraarummeernermut pingaarnertut akisussaasuvoq nakkutilliisuullunilu. Soraarummeernerit ingerlanneqarnerini atugassarititaasut Ilinniartitaanermut Naalackersuisoqarfiup aalajangersassavai.

Imm. 2. Ilinniarfimmi soraarummeernerit ingerlannissaannut ilinniarfik akisussaasuvoq.

§ 6. Soraarummeernermi suliassat ilinniarfimit saqqummiunneqassapput, inuussutissarsiornermik ilinniarnermut pineqartumut ilinniarnermut pilersaarummi allamik aalajangersaasoqarsimanngippat.

Imm. 2. Soraarummeernerit suut taakkulu qassiunissaat inuussutissarsiutinik ilinniarfinni ataasiakkaani ilaatinneqartut inuussutissarsiutinik ilinniarfiit ataasiakkaatut ilinniartitsinerimut pilersaarutaanni imaluunniit tamanna pillugu maleruagassatut aalajangersagaanni allassimassapput, tassani soraarummeernerit imminnut pingaaruteqassusii ilinniarnerulellu naammassinera pillugu uppersaammik tunniussinissamut piumasaqaatit aamma allassimassallutik.

Imm. 3. Ilinniarfiit, ilinniarnernik assigiinnik neqerooruteqartut, suliassanik saqqummiussisinnaapput ilinniarfinnut pineqartunut ataatsimoorussaasunik.

§ 7. Angusassat piumasaqaatillu soraarummeernermut pingaaruteqartut suunerinik ilinniartut ilisimatinnissaannut ilinniarfik pisussaaffeqarpoq aammalu soraarummeernerit ingerlannerinut maleruagassat pillugit ilinniartut peqataasullu allat ilisimatinnissaannut, tamanna imm. 2 aamma 3 naapertorlugit.

Imm. 2. Soraarummeernerni peqataasinnaanermut piumasaqaatit assersuutigalugit ilinniartitsinerimpeqataanissaq, soraarummeernerni misilitsinnernilu allani angusisimanissaq,

suliassanik tunniussisarnissaq, soraarummeersitseriaatsit misilitsitseriaatsillu kiisalu taakku nalilersornerinut tunngavigisat inuussutissarsiornermik ilinniarfiit ataasiakkaatut ilinniartitsinermut pilersaarutaanni allassimassapput.

Imm. 3. Ilinniarfik soraarummeernermit malittarisassaliussaaq taannalu tamanut saqqummiullugu, tassani makku allassimassallutik:

- 1) Nalunaarnissaq, tamanna toqqaannartumik pissanngippat, soraarummeernissanut siunnersuutit peqataasinnaannginnermillu nalunaarutaasinnaasut, napparsimanermi peqataasinnaannginnermik nalunaarnerit aammalu nakorsap uppersaataani piffissaq eqqorlugu tunniussinissaq ilanngullugit.
- 2) Soraarummeersitseriaatsit, ilinniartup soraarummeersitseriaatsit arlaqartut akornanni toqqaasinnaanera aammalu akissuteqarnermi ilusissanik piunasaqaatit ilanngullugit.
- 3) Ilinniarnermik suliat aamma suliassanik suliniutinillu il.il. tunniussisarneq pillugit piunasaqaatinik naammassinnineq, tamanna soraarummeernermit peqataanissamut piunasaqaataasoq, tamanna § 7, imm. 2 naapertorlugu.
- 4) Tunngaviusumik soraarummeerutissap soraarummeernermit ingerlanneqarnera, tassunga ilanngullugit suliassanut, suliniutinut, naalisakkanut pisortatigoortumik piunasaqaatigineqartut ilinniartup suliarisassai.
- 5) Soraarummeernerup nalilersorneranut tunngavisoq.
- 6) Iluaqusersuutini atuneq.
- 7) Soraarummeernermit oqaatsit atorneqartut.
- 8) Soraarummeernermit atugassarititaasut immikkut ittut.
- 9) Nammineq allallu suliaannik atuneq.
- 10) Pissusissamisuumngitsumik pisoqarnerani suleriaaseq.
- 11) Naammagittaallortoqarnerani suleriaasissaq, tassunga ilanngullugu naammagittaalliutit sumut ingerlatinneqartassanersut.
- 12) Soraarummeertut kinaanerisa uppersarneri.

Imm. 4. Imm. 3, nr. 4-mi atortussatut taaneqartut ilinniartunit eqimattakkuutaanit suliarisaappata, pisortatigoortumik piunasaqaatit naammassinissaannut ilinniartut ataatsimoorlutik akisussaasuupput. Piunasaqaatit naammassineqanngippata, ilinniartut pineqartut arlaannaalluunniit soraarummeersinnaanngilaq, pissutsit immikkut ittut eqimattakkaani ilinniartut ilaannit arlalinnilluunniit nutaamik misilitsinnissamut tunngavilersuutaasinnaasut pineqartinnagit.

Imm. 5. Paasissutissat imm. 1-4-mi taaneqartut ilinniarfiup nittartakkamigut tamanut saqqummiutissavai.

§ 8. Ilinniarfik ukiut tamaasa soraarummeernissamut ullorsiusiortassaaq tamanullu saqqummiullugit, tamanna § 2, imm. 1 naapertorlugu.

Imm. 2. Soraarummeernerup ingerlanneqarnissaanut atatillugu suliassaalunnut suleriaatsinullu tunngasut ilinniarfiup tamanut saqqummersissavai.

Imm. 3. Ilinniartut immikkut ataasiakkaarlugit eqqarsaatigalugit piffissanit, soraarummeernerit angusiffiginissaannut imm. 1-imi aalajangersakkanit immikkut

akuerineqarsinnaapput, erninermik, ilungersunartumik napparsimanermik imaluunniit pissutsinik allanik ilinniartumut pisuussutaangitsumik tunngavilersorneqarpat.

Kapitali 3

Soraarummeersinnaaneq

§ 9. Soraarummeernissanut tamanut peqataanissamut peqataasinnaannginnermullu nalunaarnissat qaqugu pinissaannut piffissaliinerit ilinniarfiup aalajangersassavai tamanullu saqqummiullugit.

Imm. 2. Peqataasinnaannginnermut nalunaarnissamut killissaliisoqarsimangippat, soraarummeernerup aallartinnerani peqataasinnaannginneq nalunaarutigineqarsinnaavoq.

Imm. 3. Ilinniarfiup ilinniartitsinnermut pilersaarummi aalajangersarsinnaavaa, peqataanissamut pisussaaffimmik naammassinninneq aammalu sulianik immikkullu suliamik il. il. tunniussinerit soraarummeernissamut piumasaqaataassasut.

Imm. 4. Ilinniarfiup imm. 3 malillugu piumasaqaatinik avaqqussisinnaavoq erninermik, ilungersunartumik napparsimanermik, uppersaasikkamik innarluuteqarnermik imaluunniit pissutsinik pingaaruteqartunik, ilinniartumut pisuussutaangitsunik tunngavilersorneqarpat.

§ 10. Soraarummeerneq angusiffiusoq uteqqinneqarsinnaanngilaq.

Imm. 2. Soraarummeernerit kittaartumik soraarummeernermik immikkoortortaqrata, soraarummeernermi immikkoortoq angusiffiunngitsoq, uteqqinneqarsinnaanngilaq, tamakkiisumik soraarummeernermi angusisimagaanni.

Imm. 3. Maleruagassat imm. 2-mi aalajangersarneqartut atuutissanngillat, ilinniartitaanermut pineqartumut ilinniartitsinnermut pilersaarummi allamik aalajangersaasoqarsimappat imaluunniit ilinniartitaanermut tamanna pillugu maleruagassanik immikkut ittunik aalajangersagaqarpat.

Imm. 4. Soraarummeerutaasumi angusisoqanngippat, ilinniartoq soraarummeernissamut suli nalunaarsimasutut isigineqassaaq, taamaalilluni ilinniartoq soraarummeerutissap taassuma assingata ingerlanneqarnissaanut nalunaarsoreersimassalluni, taamaattoq imm. 5 naapertorlugu.

Imm. 5. Ilinniartoq amerlanerpaamik pingasoriarluni soraarummeerutaasup assinganik misilitsissinnaavoq.

Imm. 6. Imm. 5-imi maleruagassanik ilinniarfik immikkut akuersissuteqarsinnaavoq, tamanna erninermik, ilungersunartumik napparsimanermik imaluunniit pissutsinik uotoqqatsissutaasinnaasunik allanik, ilinniartumut pisuussutaasinnaanngitsuni tunngavilersuutissaqarpat.

§ 11. Ilinniartoq, allakkatigut uppersaateqartumik napparsimaneq pissutigalugu imaluunniit naatsorsuutiginngisat allat pissutigalugit soraarummeernermi najuunnissaminut ingerlannissaanulluunniit ilinniartup pisuussutiginngisaaanik akornuserneqarpat, soraarummeernerup napparsimasutut soraarummeernertut ingerlannissaanut piaarnerpaamik periarfissinneqassaaq.

Imm. 2. Soraarummeerneq ilinniarnertup immikkoortuanut kingullermut inissineqarsimappat, ilinniartup piffissaliunneqartumi tassani imaluunniit taassumunnga sivitsuutaasumi napparsimasutut soraarummeersinnaanera periarfissaassaaq.

Imm. 3. Ataatsimoortumik soraarummeernermit soraarummeernerit immikkoortut arlaqarpata, immikkoortumut soraarummeerneq, allakkatigut uppersaaserlugu napparsimaneq pissutigalugu naammassineqanngitsoq, ataatsimoortumik soraarummeerneq angusiffiuppat, uteqqinneqarsinnaanngilaq. Taamaattoq tamanna atuutissanngilaq, ilinniakkamut pineqartumut ilinniartitsinermut pilersaarummi allatut aalajangersaasoqarsimappat imaluunniit tamanna pillugu ilinniartitaanermut maleruagassanik immikkut ittunik aalajangersagaqarpata.

§ 12. Ilinniarnertup ingerlateqqinnissaanut soraarummeernermit angusinissaq piunasaqaataasooq ilinniartitaanermi ilinniartitsinermut pilersaarummi imaluunniit ilinniartitaaneq pillugu maleruagassatut aalajangersakkani allassimassaaq.

§ 13. Soraarummeernermit angusat pissutigalugit ilinniartup ilinniarnini ingerlateqqissinnaanngikkaangagu, ilinniartoq ilinniarfimmit angerlartinneqassaaq, ilinniartup ilinniarnertup ingerlanneqartup uteqqinnissaanut ilinniarfiup akuerinngippagu.

Imm. 2. Ilinniartup ilinniarfimmit taamaatinnerani ilinniarnertup ingerlateqqinnissaanut periarfissanik naleqquttunik allanik ilinniarfiup ilinniartoq taassumunngalu angajoqqaajusutut oqartussaasut ilitsersuussavai, ilinniarnertumut allamut imaluunniit ilinniarnertumut inuussutissarsiornermulluunniit aallarniutitut pikkorissarnertumut nuussinnaanermut periarfissat ilanngullugit.

Kapitali 4

Soraarummeeriaatsit nalilersuinerillu

§ 14. Ilinniarnertumut pineqartumut ilinniartitsinermut pilersaarummi imaluunniit ilinniarneq pillugu maleruagassani aalajangersarneqassaaq, ilinniarnertumut immikkut ataasiakkaanut atatillugu soraarummeernerit eqqarsaatigalugit soraarummeeriaatsit suunersut, allattariarsornermik, oqaluttariarsornermik, ataasiakkaarluni eqimattakkaarluniluunniit soraarummeernerit pineqarnersut ilanngullugit.

Imm. 2. Soraarummeernermit suliassat ilusissaannut piunasaqaataasinnaasut ilinniarnertup immikkut ataasiakkaarlugit ilinniartitsinermut pilersaarutaanni aalajangersarneqassapput.

Imm. 3. Akissut piunasaqaatit malillugit suliarineqarsimangippat, ilinniarfiup akissut akueriumannngissinnaavaa. Taamatut pisoqartillugu akissut nalilernerneqassanngilaq ilinniartorlu soraarummeernermit misiliinermik ataatsimik atuisimasutut isigineqassalluni, tamanna § 10, imm. 5 naapertorlugu.

§ 15. Soraarummeerneq eqimattakkaatut soraarummeernertut aaqjissuussaagaangat, eqimattakkaatut soraarummeernermit ataasiakkaatut ilinniartut peqataasut amerlanerpaaffissaat,

ilinniartitsinermut pilersaarummi aalajangerneqassaaq aammalu ilinniartuq ataasiakkaatut soraarummeersinnaanersoq.

Imm. 2. Eqimattakkaatut soraarummeernerni aammalu ilinniartut kisimiillutik soraarummeernerini ilinniartut nammineerlutik naammassisaat nalilerneqassapput.

§ 16. Oqaluttariarsorlutik eqimattakkaatut soraarummeernerni, ilinniartut ataasiakkaatut soraarummeersinneqassapput, taamaalilluni ilinniartup nammineerluni naammassisaasa nalilersornissai qulakkeerneqarlutik.

Imm. 2. Oqaluttariarsorlutik eqimattakkaatut soraarummeernissat piareersarnerini piffissap nalilersuinerimi atugassanngortinneqartup ilinniartut nalilersuinerimi peqataasut amerlassusiinut naleqquttuunissaa qulakkeerneqassaaq.

Imm. 3. Allattariarsorluni eqimattakkaatut soraarummeernerni ilinniartup immikkut tunniussaqaqarnera qularnaarneqarsinnaappat, aatsaat ataasiakkaanik nalilersuisoqarsinnaavoq. Immikkut pinnittarnissaq qanoq pisassanersoq ilinniartitsinermut pilersaarummi allassimassaaq.

Imm. 4. Allattariarsorluni eqimattakkaanik soraarummeersitsinermi ilinniartut ataasiakkaarlugit nalilersorneqassanngippata, suliassamut akissut oqaluttariarsorluni soraarummeernerimi tulliuuttumi nalilersuinermit ilanngunneqarsinnaavoq.

§ 17. Angusarisat tulleriaarnerat nalilersuinerillu allat pillugit nalunaarummi maleruagassat malillugit nalilersuineq pissaaq.

Imm. 2. Angusarisat nalilersuinerimi tunniunneqartut angusarisat allattorsimaffiannut, soraarummeersitsisumit nalileeqaataasumillu atsiorneqarlutik uppersarsaaserneqassapput.

Imm. 3. Ilinniartumik oqaluttariarsorluni misilitsinnerup naliliiiffigineqarnera ilinniartumut ingerlaannaq nalunaarutigineqassaaq.

Imm. 4. Allattariarsorluni misilitsinnerit nalilernerit suliassap akineranit kingusinnerpaamik sapaatit akunneri arfinillit qaangiunneranni ilinniartumut nalunaarutigineqareersimassapput.

Kapitali 5

Soraarummeernerup ingerlanneqarnera

§ 18. Oqaluttariarsorluni soraarummeernerit aamma soraarummeernerit suliaqarluni akissuteqarfiusut tamanut ammasuupput.

Imm. 2. Imm. 1-imi aalajangersagaq ilinniartuup avaqqussinnaavaa aamma init soraarummeerfiusussat killiliiiffigisinnaallugit, tamatumuuna immikkut ittumik pissutissaqartillugu aamma ilinniartuq eqqarsaatigineqartussaattillugu imaluunniit inissaqarneq eqqarsaatigalugu.

Imm. 3. Imm. 2-mi aalajangersagaq apeqqutaatinnagu, soraarummeernerup ingerlanneqarneranut atatillugu eqqissisimanissaq qulakkiissallugu pisariaqarsorinarpat inuit ataasiakkaat ininut soraarummeerfiusunut isernissaat itigartitsissutigineqarsinnaavoq.

Imm. 4. Oqaluttariarsorluni soraarummeernermi, tassani ilinniartut eqimattakkaatut sulinerminni naammassisaat tunngavigalugit ilinniartumik naliliisoqartillugu, eqimattakkaami ilinniartut allat namminneq naliliiffigineqartinnatik inimi najuussinnaanngillat.

Imm. 5. Soraarummeernerup nipitaanik immiussinerit assiliinerlu inertequtaapput, immiussinerit nalilersuinerup ingerlanneranut immikkoortutut ilanngunneqassanngippata. Taamaattoqassappat immiussinerit ilinniarfiup suliarissavai.

Imm. 6. Suliaqarluni oqaluttariarsorlunilu soraarummeernerit, suliniutinik oqaluttariarsorluni illersuinerit ilanngullugit, nalilersomerinut atatillugu oqaluuserinninnermi soraarummeersitsisoq nalileeqaataasorlu kisimik najuussinnaapput.

Imm. 7. Imm. 5-imi aalajangersagaq apeqqutaatinnagu ilinniarfik aalajangiisinnaavoq soraarummeersitsisup nalileeqaataasullu naliliinermik oqaluuserinninnerat soraarummeersitsisartunngortussat isiginnaarsinnaagaat.

§ 19. Ilinniakkami oqaatsit ilinniartitsissutaasut atorlugit soraarummeernerit ingerlanneqassapput.

Imm. 2. Ilinniartup qinnuteqarnera malillugu ilinniartitsinermit oqaatsit allat atorlugit soraarummeerneq ilinniarfiup ingerlatissavaa, nalileeqaataasup paasippagu nalileeqaataasoq, soraarummeersitsisoq ilinniartorlu ilinniartitsinermit oqaatsit atorlugit allamik oqalussinnaasut.

Imm. 3. Imm. 1 aamma imm. 2-mi aalajangersakkat ilinniartitsinermit pilersaarummi ilinniarfiup avaqussinnaavai.

Imm. 4. Pissutsit periarfissiippata torrutiinnarlugu oqalutseqarnissaq ilinniarfiup neqeroorutigisinnaavaa, pingaartumillu oqalutsimik pisariaqartumik ikiorsiisinnaasumik ilinniarfik piareersimasoqarpat soraarummeernerullu pitsaassusia neqeroorutip ajornerulersinngippagu.

Imm. 5. Ilinniartut, oqaatsinik ilinniartitsissutaasunit allaanerusumik ilitsoqussaminnik oqaasillit, tak. imm. 1. soraarummeernerup piareersarnissaanut, soraarummeernermit ilitersuinissamut aamma allattariarsorluni soraarummeernerup ingerlannissaanut piffissaliunneqartup 25 procentianik ilallugu immikkut piffissalernerqassapput.

Imm. 6. Imm. 2. malillugu ilinniarfiup aalajangiinera aamma imm. 4. malillugu neqeroorutaa, soraarummeernerup ingerlannissaa kingusinnerpaamik ullut 14-it sioqqullugit tamanut saqqummiunneqassapput.

Imm. 7. Ilinniarfiup aalajangiinera imaluunniit neqeroorutaa nalileeqaataasup, soraarummeersitsisup imaluunniit torrutiinnarlugu oqalutsip pisinnaannginnera pissutigalugu naammassineqarsinnaanngippat, soraarummeerneq ilinniartitsinermit oqaatsit atorlugit ingerlanneqassaaq.

§ 20. Soraarummeernerit ingerlanneqarnerinut, allattariarsorluni soraarummeerneri ilinniartut nakkutigineri ilanngullugit, ilinniarfik malittarisassiussaaq.

Imm. 2. Soraarummeernerup ingerlanneqarneranut malittarisassat suliarineqassapput ilinniartut innarluutillit aamma ilinniartut perorsaanermit immikkut ittumik

iliuuseqarfigineqartussat immikkut ittumik atugassaqartitaallutik soraarummeersinnaangortillugit.

§ 21. Soraarummeernerit ingerlanneqarnerini ilinniartut sulinerminni naapertuuttunik atugassaqarnissaat ilinniartuup qulakkiissavaa.

Imm. 2. Soraarummeernerup ingerlanneqarnerani ilinniartut eqqunngitsumik iluaqutissat anguniarlugit attaveqarsinnaanginnissaat ilinniartuup qulakkiissavaa.

§ 22. Soraarummeernerit atatillugu iluaqutissat, iluaqutissat innaallagissamoortut ilanngullugit, ilinniartitsinerit pilersaarummi, soraarummeernerit suliasami imaluunniit maleruagassani ilinniartitaanerit atuuttut allasimasut malillugit akuerisaapput.

Imm. 2. Iluaqutissat innaallagissamoortut atorveqarsinnaaneri assersuutigalugu piginnaasat eqqarsaatigalugit tamatumani atuinissaq ilinniartuup aalajangersinnaavaa.

§ 23. Suliasat, piareersarluni atortussat imaluunniit suliasap qulequtaa ilinniartumut agguanneqarpata imaluunniit soraarummeernerit tunngasumik ilinniartuup apequtigineqartussamik ilisimatinneqarpat soraarummeerneq aallartittut isigineqassaaq.

Imm. 2. Ilinniartuup, allattariarsorluni soraarummeernerit inortuisoq taamaallaat soraarummeernerit peqataasinnaavoq, ilinniartuup suliasaq pillugu paasissutissanik tigusaqarsimanngitsut ilinniartuup isigippagu aammalu kinguaattoornerit ilinniartuup pisuussuteqarsorinngippagu.

Imm. 3. Ilinniartuup, oqaluttariarsorluni soraarummeernissamat inortuisoq, ilinniartuup pisuussuteqarsorinngippagu, oqaluttariarsorluni soraarummeernerit nutaamik neqeroorfigineqarsinnaavoq.

§ 24. Ilinniartuup allattariarsorluni akissutip tunniunnerani atsiorminik, digitaliusinnaasumik, uppersassavaa akissut eqqunngitsumik ikiorneqarani suliarineqartuup aammalu nalilerneqartussat kissaatigineqartut ilinniartuup suliani tamakkerlugit tunniukkai.

§ 25. Ilinniartuup soraarummeernerit suliasap akinissanut unioqqutitsilluni ikiortissarsiorimappat imaluunniit ilinniartumik allamik ikiuisimappat, ilinniartuup ilinniartuup soraarummeernit peersissavaa.

Imm. 2. Soraarummeernerup ingerlanneqarnerani kingornaluunniit ilinniartuup eqqunngitsuliorluni ikiortissarsiorineqarpat imaluunniit ikiuisimasorineqarpat, allap suliaanik saqqummiisimasorineqarpat imaluunniit innersuussinani siusinnerusukkut suliaminik nalilerneqareersumik atuisimasorineqarpat, ilinniartuup pisussaaffigaa tamanna misissussallugu. Pisimasorisaq uppersarneqarpat iliuuserisarluni naliliinerit pingaaruteqartuup pingaaruteqarsinnaalluniluunniit ilinniartuup ilinniartuup soraarummeernit peersissavaa.

Imm. 3. Soraarummeernerup nalaani ilinniartuup akornusersuipat ilinniartuup ilinniartuup soraarummeernit peersissavaa. Pisuni ilungersunanginneruni ilinniartuup ilinniartuup mianersuqqussummik tuneqqaassavaa.

Imm. 4. Imm. 1-3 malillugit anisitaanerit malitsigissavaat, soraarummeernermi pineqartumi angusarisat atorunnaarnerat aammalu ilinniartup soraarummeernermik misilitsinnermik ataatsimik atuisimanera, tamanna § 10, imm. 5 naapertorlugu.

§ 26. Ilinniarfiup pisuni § 25-mi taaneqartuni, sukannernerusumik pisoqartillugu aalajangersinnaavaa ilinniartoq ilinniarfimmit sivikinnerusumi sivilunerusumiluunniit anisitaassasoq.

Imm. 2. Imm. 1 malillugu ilinniartumik anisitsineq pippat, uteqqiinerup ataavartumik anisitaasinnaanermik malitseqarsinnaanera pillugu ilinniartoq allakkatigut mianersoqqussummik tunineqassaaq.

§ 27. Soraarummeernerup nalaani paasineqarpat, soraarummeerneq kukkuneqartoq amigaateqartorluunniit, iluarsineq qanoq pissasoq ilinniarfiup aalajangissavaa, soraarummeerneq taamaatinneqassanersoq piffissamilu allami ingerlanneqassanersoq ilanngullugu. Tamanna sioqqullugu periarfissaqarpat ilinniarfiup naliliisussat isumasiussavai.

Imm. 2. Iluarsineq imatut pissaaq, ilinniartut atugassaqartinneqassallutik, nalinginnaasumik soraarummeernermi atugassaasunut pitsaanerpaamik sanilliunneqarsinnaasunik.

Imm. 3. Ilinniarfiup nalilerpagu, imm. 1 malillugu kukkuneq ilinniartut naammassisaannut pingaaruteqartoq, ilinniartut eqqorneqartut soraarummeeqqinnissamik neqeroorfineqassapput, tamanna immikkut soraarummeernermik misiliinertut naatsorsomagugu.

Imm. 4. Soraarummeeqqinneq ingerlanneqassappat tassani karakterit anguneqartut karakterit siullermik anguneqartut taarsissavaat, karakterit nutaat karakterinit siullermik anguneqartunit appasinnerussagaluarpataluunniit.

Imm. 5. Imm. 1 malillugu kukkuneq pingaaruteqartuusoq ilinniarfiup nalilerpagu, pisup ingerlanera ilinniarfiup Ilinniartitaanermut Naalakkersuisoqarfimmut nalunaarutigissavaa, taassuma aalajangersinnaallugu soraarummeerneq atorunnaarsinneqassasoq nutaamillu taarserneqarluni.

Imm. 6. Suliassat kukkuneqartut Ilinniartitaanermut Naalakkersuisoqarfimmit atugassanngortitaappata imissutigineqarlutilluunniit, suliassat 1 - 3-mi taaneqartut naalakkersuisoqarfiup isumagissavai.

Imm. 7. Kukkuneqarsinnaanera apeqqutaatinnagu soraarummeernerup naammassineqarnissaa aalajangerneqarpat, soraarummeernermi kukkunerit amigaatilluunniit pillugit nalileeqaataasoq ilisimatinneqassaaq.

Kapitali 6.

Naliliisut

Nalileeqaataasut

§ 28. Nalileeqataasussat ilinniarfik alla peqatigaluguluunniit ilinniarfiup soraarummeernermit atatillugu nalileeqataasussat toqqassavai tamanna § 17 malillugu.

Imm. 2. Nalileeqataasooq ilinniarfimmi soraarummeernermit ingerlatsisumi atorfeqarsinnaangilaq aammalu ilinniartunik ilinniartitsinermit peqataasimassanani.

§ 29. Ilinniarneqartumut pineqartumut pisumi piunasaqaataasut, anguniagaasut periusaasullu, ilinniarneqartup atornissaanut periarfissaasut ilinniarsimasumillu pisariaqartitsisup pisariaqartinneqartut ilisimalluassavai aammalu ilinniarsimasatigut ataatsimut nalileeqataasup nalileeqataaaffissaminik qaffasinnerusumik piginnaaneqassalluni.

Imm. 2. Nalileeqataasooq kalaallisut danskisullu oqallorissuussaaq.

Imm. 3. Imm. 2-mi aalajangersakkap malinnissaanut ilinniarfik periarfissaqanngikkuni, tassanga immikkut akuersissut pillugu Ilinniartitaanermit Naalakkersuisoqarfik ilinniarfiup qinnuteqarfigissaavaa.

Imm. 4. Imm. 3 malillugu immikkut akuersissutit pillugit najoqqutassat Ilinniartitaanermit Naalakkersuisoqarfiup aalajangersinnaavai.

§ 30. Soraarummeernerup ingerlanneqarnissaa sioqqullugu ilinniarnermut maleruagassat atuuttut pillugit ilinniarfiup nalileeqataasusaaq ilisimatissavaa aammalu soraarummeernerup ingerlannissaanut kingusinnerpaamik sapaatip akunnera sioqqullugu atortunik nalileeqataanermit pingaarutilinnik nalileeqataasusaaq pilersorlugu.

Imm. 2. Nalileeqataasooq suliaasat suliarineqartarnerat pillugu inatsimmik malinnittussaavoq, suliamut attuumassuteqarneq nipangiusimasussaataitaanerlu pillugit maleruagassat ilanngullugit.

§ 31. Nalileeqataasusaaq tassangaannartumik pisinnaajunnaarpat imaluunniit pissutsinik nalileeqataasusaaq soraarummeernermit anngussinnaaneranut aporfiusunik pisoqarpat, paarlatsitit nalileeqataasusamik ilinniarfik toqqaasinnaavoq, nalileeqataasusaaq ilinniarfimmi soraarummeernermit ingerlatsisumi atorfeqartoq ilanngullugu.

Imm. 2. Paarlatsisut nalileeqataasusaaq nalileeqataasunut piunasaqaatit sapinngisamik aamma naammassissavai, tak. § 29.

§ 32. Nalileeqataasup nakkutigissavaa, periarfissaqartillugulu

1) ilinniartut piginnaanerisa nalilernissaat eqqarsaatigalugu

misilitsinnerit ilinniarsimasatigut naleqquttumik

tunnngaveqarlutik naammassineqarnissaat, tak. § 1, imm. 1,

2) misilitsinnerit maleruagassat atuuttut malillugit

naammassineqarnissaat, aammalu

3) ilinniartut assigiiartumik, naapertuuttumik tutsuiginartumillu, ilinniarnermut

maleruagassanut naapertuuttumik, ilinniartitsinermit pilersaarummi aamma

karakteeriliisarneq pillugu nalunaarummi maleruagassat ilanngullugit, nalilerneqarnissaat.

§ 33. Nalileeqataasoq soraarummeersitsisoq aqutsisoralugu ilinniartumut apeqquteqarsinnaavoq.

§ 34. Nalunaarusiorsinnaanermut imaluunniit naammagittaalliornermik suliaqarsinnaanermut nalileeqataasoq soraarummeersitsinerup nalaani allattuissaaq. Allattukkat minnerpaamik ukioq ataaseq toqqorneqassapput.

§ 35. Nalileeqataasoq soraarummeernermit pissutsinik isornartoqarsorinnikkuni, nalileeqataasoq nalileeqataanermik nalunaarusiussaaq, ilinniartitaanermut Naalakkersuisoqarfimmut assilillugu ilinniarfimmut nassiunneqartussamik.

Imm. 2. Suliassaq pillugu ilinniarfik nassuiaasiussaaq, ilinniartitaanermut Naalakkersuisoqarfimmut nassiunneqartussamik.

Imm. 3. Ilinniartitaanermut Naalakkersuisoqarfiup qinnuteqarnera malillugu soraarummeernerup ingerlanneqarnera aamma soraarummeernermit angusat pillugit nalileeqataasoq Naalakkersuisoqarfimmut nalunaaruteqassaaq.

Soraarummeersitsisut

§ 36. Soraarummeersitsisussaaq, soraarummeersitsinermit aqutsisussaaq aamma soraarummeernermit uppersaasatit eqqortumik immersornissaannik qulakkiisussaaq ilinniarfiup toqqassavaa, tak. § 2, imm. 2.

Imm. 2. Pissutsit immikkut ittut atuutinngippata, soraarummeersitsisoq tassaavoq ilinniartitsisoq, ilinniartunik fagimi soraarummeerutaasumi ilinniartitsisimasut akornanniittoq.

§ 37. Soraarummeersitsisoq ilinniarfimmut nalunaarutaasinnaasumut atuagassanik soraarummeersitsinerup nalaani allattuissaaq. Allattukkat minnerpaamik ukioq ataaseq toqqorneqassapput.

§ 38. Ilinniarfiup qinnuteqarnera malillugu soraarummeersitsisoq soraarummeernerup ingerlanneqarnera pillugu ilinniarfimmut nalunaaruteqassaaq.

Kapitali 7

Uppersaasaisarneq

§ 39. Soraarummeernerit ingerlanneqarnerisa kingorna piaarnerpaamik soraarummeerneq angusiffiusoq pillugu soraarummeernermit uppersaasat, kalaallisut danskisullu oqaasertaligaq ilinniartup tigussavaa. Ilinniartup tamanna pillugu qinnuteqarneq malillugu imaluunniit tamassuma maleruagassat allat malippagit soraarummeernermit uppersaasat tuluttut suliaritissinnaavaa.

Imm. 2. Uppersaasatit ilusissaat ilinniarfiup aalajangissavai aammalu Ilinniartitaanermut Naalakkersuisoqarfimmit oqartussaaffinnillu naleqquttunit akuerineqartussanik uppersaasatinut skabeloniliorluni.

Imm. 3. Ilinniartuq faginik allami soraarummeerutigisaqaruni, soraarummeerneramik uppersaammi naqinneq M allanneqassaaq.

§ 40. Ilinniartumit tamanna pillugu qinnuteqarnek malillugu, ilinniartumut soraarummeernermi angusinnigsumut uppersaat ilinniartup tunniutissavaa.

Imm. 2. Ilinniartitsinerup naammassineqartup annertussusia, ilinniartup ilinniarsimasatigut qaffasissusia pillugit paasissutissanik, tamakkua saqqummiineri malillugit, uppersaat imaqassaaq, ilinniartup ilinniarsimasatigut qaffasissusianik naliliinermut iluaqutaasinnaasut.

§ 41. Soraarummeernermit ataatsimut uppersaat siulleq taamaallaat ataaseq nassaassaassaaq tunniunneqarlunilu.

Imm. 2. Ilinniartup tamanna pillugu ilinniartumit qinnuteqarnek malillugu soraarummeernermik uppersaatip assilineri tunniussinnaavaa. Assilisap piviusuunera ilinniartup uppersaatip uppersaarneqassaaq.

§ 42. Paasissutissat, uppersaatinik tunniussinermut tunngaviusut, soraarummeernerup naammassinerata minnerpaamik ukiut 30 kingorna ilinniartup toqqorsimassavaa.

Imm. 2. Ilinniartup atajunnaarpat, imaluunniit arlaannik peqquteqartumik imm. 1 naapertorlugu uppersaatit ilinniartup toqqorsinnaangippagit, allami isumannaatsumik toqqorsinissaaq ilinniartup qulakkiissavaa.

Kapitali 8

Soraarummeernerit pillugit naammagittaalliuutit

§ 43. Soraarummeernermit atatillugu ilinniarsimasanut tunngasut pillugit soorlu suliaqqunneqartoq, soraarummeernerup ingerlanera imaluunniit nalilerana ilinniartup tunngavilersorlugu naammagittaalliuutigisinnaavaa.

Imm. 2. Ilinniartuq angajoqqaatut oqartussaaffigineqarpat, angajoqqaatut oqartussaasut imm. 1 malillugu aamma naammagittaalliorsinnaapput.

Imm. 3. Imm. 1 imaluunniit imm. 2 malillugu naammagittaalliuut allakkatiguussaaq taavalu qitiusumik ilinniartup siulersuisuinut imaluunniit inuussutissarsiornermik ilinniartup qitiusumik ilinniartup ataatsimiititaliaanut soraarummeernermi angusat pisarnertut nalunaarutiginerisa kingusinnerpaamik sapaatit akunneri 2 kingorna tunniunneqassaaq.

Imm. 4. Naammagittaalliornermik suliasamat atugassanngorlugu ilinniartup imaluunniit angajoqqaatut oqartussaasut tamanna pillugu qinnuteqarnek malillugu suliaqqunneq suliaqqunneq assilineranik aammalu allattariarsorluni soraarummeernermi ilinniartup akissutaasa assilinerinik tunineqassapput.

Imm. 5. Ilinniartup naammagittaalliornermit ilitsersuutissavaa, nutaamik naliliisoqarnera imaluunniit nutaamik soraarummeertoqarnera karakterinik appasinnerusunik inerneqarsinnaanera ilanngullugu.

§ 44. § 43 naapertorlugu aalajangiineq allakkatiguusaaq tunngavilersorneqarlunilu, siunertarineqarsinnaalluni

- 1) nutaamik naliliinissamik neqeroorneq,
- 2) nutaamik soraarummeernissamik neqeroorneq, imaluunniit
- 3) naammagittaalliut akuerineqanngitsoq.

Imm. 2. Imm. 1 malillugu ilinniarfiup aalajangernerata kingorna ilinniartuq imaluunniit angajoqqaatut oqartussaasut erniinnaq ilinniarfiup ilisimatissavai.

Imm. 3. Aalajangiineq nutaamik naliliinissamik imaluunniit nutaamik soraarummeernissamik malitseqarpat, aalajangiinerup tiguneranit sapaatit akunneri marluk iluini ilinniartup aalajangiineq allakkatigut akuerissavaa. Taamaangippat nutaamik naliliisoqassanngilaq imaluunniit nutaamik soraarummeertoqarani karakterilu siullermik anguneqartoq aalajangiusimaneqarluni.

§ 45. Nutaamik naliliinissaq imaluunniit nutaamik soraarummeernissaq pillugu aalajangiisoqarpat, tak. § 44, ilinniarfik piaarnerpaamik nutaamik naliliisitsissaaq imaluunniit nutaamik soraarummeersitsilluni naliliisussanillu nutaamik toqqaalluni.

Imm. 2. Nutaamik soraarummeerneq napparsimasumik soraarummeersitsinermut atatillugu aaqqissuunneqarsinnaavoq, tamannalu soraarummeernerit nalaanniissinnaalluni.

Imm. 3. Naliliisussat nutaat tassaasut soraarummeersitsisoq nalileeqaataasorlu naammagittaalliornermik suliassap takussutissartai pillugit ilisimatinneqareersimassapput nutaamillu naliliineq tunngavilersugaassalluni.

Imm. 4. Nutaamik naliliinermi karakterit anguneqartut karakterit siullermik anguneqartut taarsissavaat, karakterit nutaat karakterinit siullermik anguneqartunit appasinnerussagaluarpataluunniit.

Imm. 5. Siullermik naliliisut nutaamik naliliineq taassumalu tunngavilersuutaa pillugit ilisimatinneqassapput.

§ 46. Soraarummeernermt atatillugu ilinniarfiup imaluunniit naliliisut aalajangiinerinut tunngatillugu naapertuutsinermut apeqqutit ilinniartup ilinniartitaanermut Naalakkersuisoqarfimmut naammagittaalliutigisinnaavai, soraarummeernermt aaqqissuussinermut ingerlanneranullu maleruagassat malinneqarsimanersut ilanngullugit aamma suliassat sularineqartarneri pillugu maleruagassat malinneqarsimanersut pillugu.

Imm. 2. Ilinniartuq angajoqqaatut oqartussaaffigineqarpat, imm. 1 malillugu angajoqqaatut oqartussaasut aamma naammagittaalliorsinnaapput.

Imm. 3. Naammagittaalliortoq pissutsinik naammagittaalliutigineqartunik ilisimatinneqarneranit kingusinnerpaamik sapaatit akunneri marluk kingorna naammagittaalliut ilinniarfimmut tunniunneqassaaq.

Imm. 4. Imm. 1 imaluunniit imm. 2 malillugu naammagittaalliortoqarpat, naammagittaalliut suliassallu takussutissartai kiisalu ilinniarfiup suliassami nassuiaatai ilinniarfiup erniinnaq ilinniarnermut Naalakkersuisoqarfimmut nassiutissavai. Suliassap qanoq aalajangiiffigisariaqarneranut inassuteqaammik ilinniarfiup nassuiaataa imaqarsinnaavoq.

Imm. 5. Imm. 1 imaluunniit imm. 2 malillugu naammagittaalliornermik suliame naalakkersuisoqarfik aalajangiiguni ilinniarnermut Naalakkersuisoqarfiup ilinniarfik aamma naliliisut ilisimatissavai.

§ 47. Naammagittaalliutip sularinerani ilinniartup ilinniarnini ingerlatiinnarsinnaavaa, tak. 46, ilinniartitsineranut pilersaarummi imaluunniit ilinniarneq pillugu maleruagassani allamik allassimasoqanngippat.


Kapitali 9 **Atuutilersitsineq**

§ 48. Nalunaarut 1. maj 2015-imi atuutilerpoq.

Namminersorlutik Oqartussat, ulloq 18. marts 2015



Nivi Olsen



Mikael Kristensen